

قصاد عيني



- ♥ مقدمة ٣
- ♥ قضية حياة ١٣
- ♥ إعرف طريقك! ٤٥
- ♥ لمحة ٥٤
- ♥ توصيات ٧٣

- جمع وترتيب -

د / مصطفى إبراهيم زايد

رقم الإيداع

٢٠١٦/١١٤٦٣

دار النعيم

للنشر والتوزيع

٠١٠٣٤١٨٧٨٤

مقدمة


► تخيل لو .. يوم ٢٥ في الشهر .. وانت قاعد على نار في انتظار المرتب ومستني الصراف على ما يجي من البنك علشان يفتضك .. وفجأة تلاقي صاحب الشغل خارج من مكتبه ويقول : **مفیش مرتب من هنا وجای !!!**



« ياترى رد فعلك ممكن يكون إيه وقتها ؟؟؟ »

طبعاً ساعتها هتجنن وتقول : **مفیش مرتب إزاي !!!** هو أنا إيه اللي بيخليني أصحى من أحلاها نومة كل يوم واتيهل في المواصلات واستحمل تعب شغل ٨ ساعات كل يوم غير علشان المرتب اللي بناخده آخر الشهر ؟؟؟!! ده لحظة قبض المرتب دي اللحظة اللي الواحد بينسى فيها كل هموم وتعب الشغل !! دي اللحظة اللي الواحد بيتنظرها بفارغ الصبر وبيعد الأيام يوم يوم علشان ياخذ جزاء عمله ؛ **والا فايه لازمة الشغل وليه نشتغل ونتعب نفسنا ؟؟؟!!** هو لو مفیش مرتب كان حد قبل يشتغل من الأول أصلاً !!!

► طيب تخيل لو .. فيه واحد حرامي الناس مسكوه وهو بيسرق في عزّ النهار أو واحد قتل وكل الناس شافته وشاهدين على الجريمة ومع ذلك مفیش قانون أو تشريع يسأل الحرامي أو القاتل ويحاسبهم ومحدث فيهم اتعاقب ولا حصله أي شيء ؟؟؟



« تخيل الحياة وقتها ممكن يبقى

شكلها إيه ؟؟؟ »

كنت هتلاقي اللي عايز يسرق واللي عايز يرتشي واللي عايز يظلم واللي عايز يغتصب واللي عايز يقتل وأي حد عايز يعمل أي حاجة غلط بيعملها وهو حاطط رجل على رجل!! وده لأنه مفیش أي عقوبة ولا أي ردع له علشان ميعملش كده ... **مكنش هيبقى فيه حياة أصلاً !!!!!**





❖ **والترغيب:** هو وُعد بِصَاحِبِهِ تَحْيِيْبٍ وَإِغْرَاءٍ بِمَصْلَحَةٍ أَوْ لَذَّةٍ أَوْ مَتْعَةٍ أَجَلَةٍ ، مُؤَكَّدَةٍ ، خَالِصَةٍ مِنَ الشَّوَابِ ، مُقَابِلَ الْقِيَامِ بِعَمَلٍ صَالِحٍ ، أَوْ الْإِمْتِنَاعِ عَنْ لَذَّةٍ ضَارَةٍ أَوْ عَمَلٍ سَيِّئٍ ؛ ابْتِغَاءً مَرْضَاةَ اللَّهِ ، وَذَلِكَ رَحْمَةً مِنَ اللَّهِ بِعِبَادِهِ.

❖ **والترهيب:** هو وعيد وتهديد بعقوبة تترتب على إقتراف إثم أو ذنب، مما نهى الله عنه، أو على التهاون في أداء فريضة مما أمر الله به، وهو تهديد من الله يقصد به تخويف عباده، ليكونوا دائماً على حذر من ارتكاب المعاصي.

❑ فمبدأ الثواب والعقاب والترغيب والترهيب وسيلة من وسائل التربية التي يعتمدها القرآن الكريم لصيانة المجتمع وسلامته من الانحراف والشذوذ ، لتأديب الجاني وللترهيب من الجنابة ، و لَحَثَ الْمُؤْمِنَ عَلَى التَّمَسُّكِ بِدِينِهِ وَدَفْعِهِ إِلَى إِنْهُ يَسْتَزِيدُ مِنَ الْعَمَلِ الصَّالِحِ رَغْبَةً فِيمَا عِنْدَ رَبِّهِ عَزَّ وَجَلَّ ، وَذَلِكَ بِمَا يَنَاسِبُ طَبَائِعَ النَّاسِ كَافَّةً ..



❖ **طيب أنا عايز أوصلك إيه ؟؟؟**

❑ **أنا عايز أوصلك إن لازم ولا بد وحتماً وفرضاً**

يكون فيه ثواب وعقاب علشان الحياة تستقيم ..

❖ فمبدأ الثواب والعقاب، سواء كان الثواب والعقاب مادي أو معنوي، أمر قرّره شرائع السماء، وأقرّته شرائع الأرض ، وقامت عليه حياة الناس منذ بدأ الخلق .. **وصراع الحياة واختلاف الطّباع يُوجب ويُحمّ أن يكون للخير ثواب وللشر عقاب ..** وربنا قَطَرَ الإنسان على حُبِّ الثَّوَابِ والأجر ، وما فيه من لَذَّةٍ ونعيمٍ والسعي لنيله.. وأيضاً قَطَرَهُ على كُرْهِ العقاب والحذر منه، ومما يترتّب عليه من ألمٍ وشقاء ..

❖ والمُتأمل في القرآن والسُنَّةَ هيجد إن الترغيب والترهيب ، وذكر ما أَعَدَّ اللَّهُ تَعَالَى لِمَنْ أَطَاعَهُ مِنْ نَعِيمٍ ، وما أَعَدَّ لِمَنْ عَصَاهُ مِنْ عَذَابٍ أَلِيمٍ هو **أحد الموضوعات الرئيسية التي اشتملت عليها الآيات والأحاديث** ، وهيا لَاحِظْ كَمَا اهْتَمَّامَ الْقُرْآنَ وَالسُّنَّةَ بِأَسْلُوبِ التَّرْغِيبِ وَالتَّرْهِيْبِ **كأسلوب مُهمٍّ جداً .. وخطير جداً .. من أساليب التربية ...**



❖ ولتبيان أن **الجزاء من جنس العمل** ، قال الله تعالى :

{ هَلْ جَزَاءُ الْإِحْسَانِ إِلَّا الْإِحْسَانُ } الرحمن: ٦٠

وقال سبحانه: { وَجَزَاءُ سَيِّئَةٍ سَيِّئَةٌ مِثْلُهَا } الشورى: ٤٠

وما أروع وما أبلغ ما جاء في سورة الزلزلة من قول الله :

{مَنْ يَعْمَلْ مِثْقَالَ ذَرَّةٍ خَيْرًا يَرَهُ*}

{وَمَنْ يَعْمَلْ مِثْقَالَ ذَرَّةٍ شَرًّا يَرَهُ}

❖ ومن مقاصد التربية بهذا الأسلوب :

- ١ تعديل سلوك الإنسان على ضوء معرفته بالنتائج .
- ٢ ردع المرتكب للعمل السيئ ، وإخافة الغير ووعظه .
- ٣ إتاحة فرصة الموازنة والاختيار للإنسان بين الثواب والعقاب باستخدام العقل .

❑ وهكذا.. تتقلب نفس الإنسان بين الأمرين، **رجاء وخوف** ، **ترغيب وترهيب** ، **وعد ووعد** ، **ثواب وعقاب** ، فتسعى بكل جهدها للابتعاد عن أي شيء يهويها لدار الألم والشقاء ، وتحاول بكل ما أوتيت من قوة الاندفاع في طريق دار



❖ ويتميز أسلوب الترغيب والترهيب في القرآن والسنة بأنه **يعتمد على الإقناع والبرهان** ، وفي نفس الوقت **بيّن** **مصحوب بتصوير فني رائع** للثواب المرغّب فيه المُتمثّل في الجنة ، وكذلك للعقاب المنتظر المُتمثّل في جهنم ..

❖ وكذلك يعتمد الترغيب والترهيب في القرآن والسنة على **إثارة الانفعالات وتربية العواطف الربانية** ؛ زي عاطفة الخوف من الله عز وجل ، والتذلّل والخشوع له ، والطّمع في رحمته، والرجاء والأمل في ثوابه.

❖ بل ذهب القرآن لأبعد من كده فاستخدم مُصطلح تجاري لتوصيل معنى الثواب والعقاب للناس حسب مفهومهم في الدنيا وحسب واقعهم الاقتصادي ، فقال سبحانه :

{ مَنْ جَاءَ بِالْحَسَنَةِ فَلَهُ عَشْرُ أَمْثَالِهَا وَمَنْ جَاءَ بِالسَّيِّئَةِ

فَلَا يُجْزَى إِلَّا مِثْلُهَا وَهُمْ لَا يُظْلَمُونَ } الأنعام: ١٦٠

واستخدم **مصطلح القرض**، فاعتبر العمل الصالح هو بمثابة قرض يُقرضه صاحبه لرب العزة ليناله مضاعفاً يوم الحساب ، كما قال تعالى في سورة البقرة :

{ مَنْ ذَا الَّذِي يُقرضُ اللَّهَ قَرْضًا حَسَنًا فَيُضَاعِفُهُ لَهُ أَضْعَافًا كَثِيرَةً }

« فإذا كانت الموازين قد اختلت في الأرض ، فإن موازين السماء لن تختل أبداً .. قال تعالى :

**{ وَنَضَعُ الْمَوَازِينَ الْقِسْطَ لِيَوْمِ الْقِيَامَةِ
فَلَا تَظْلِمُ نَفْسٌ شَيْئًا وَإِنْ كَانَ مِثْقَالَ حَبَّةٍ
مِنْ خَرْدَلٍ أَتَيْنَا بِهَا وَكَمْ بَنَّا حَاسِبِينَ }**

[الأنبياء: ٤٧]

✓ حتى يعوّض رب العزة سبحانه المحسن عن إحسانه ،
والصابر عن صبره .. ويجازي العاصي الظالم المجرم
المفسد في الأرض بما كسبت يده ..



« وعلشان كده الناس اللي بتقول إحنا بنعبد ربنا علشان
يرضى عنا ويحبنا وبس مش طمعانيين في ثواب ولا جنة
ولا خافين من عقاب ولا نار ، للأسف عندهم مشكلة
كبيرة في العقيدة !! لأننا لازم نعبد ربنا لأنه أمرنا بعبادته
ثم طمعاً ورغبة في ثوابه وجنته ، وخوفاً ورهبة من عذابه
وناره .. ومفيش أي تعارض بين الحب والخوف والرجاء ،
بل الحب الحقيقي هو الذي يدفع الانسان للخوف والرجاء ،

النعيم المقيم ، فالترغيب يحرك القلوب إلى الله تعالى
ويطيب لها السير ، والترهيب يبعدها عن الدنيا ، ويحرق
مواضع الشهوات منها ، وبكده تؤدي هذه الوسيلة من
وسائل التربية دورها في صياغة حياة الفرد وتوجيهها
لوجهتها السليمة بإذن الله تعالى ..

« قال أبو حامد الغزالي رحمه الله : [فمتى رغب
العبد نفسه بثمار التعبد ، ورهبها من عاقبة
الانغماس في الشهوات طوعته في الإعراض
عن الدنيا ، بل وتلذذت بمشاق العمل الصالح
والإقبال على الله تعالى]

﴿ والخلاصة.. ﴾

أنه لا بد من الجنة والنار..

✓ لا بد من الجنة والنار حتى لا يستوي الصالح بالطالح ،
ولا المحسن بالمسيء ، ولا المؤمن بالكافر ، ولا المظلوم
بالظالم ، كما قال تعالى في سورة القلم :

{ أَفَتَجْعَلُ الْمُسْلِمِينَ كَالْمُجْرِمِينَ * مَا لَكُمْ كَيْفَ تَحْكُمُونَ }

« فعن أبي هريرة أن النبي ﷺ قال لرجل : "ما تقول
في الصلاة ؟ " قال : أتشهد ثم أقول اللهم إني أسألك
الجنة وأعوذ بك من النار ، أما والله ما أحسن دُندنتك
وَلَا دُندنة معاذ ، فقال ﷺ : "حولها نُدْنِدُنْ"
ومعنى قوله ﷺ «حَوْلَهَا نُدْنِدُنْ» : أي حول الجنة والنار ،
وفي الرواية الأخرى : «حول هاتين» قال الإمام المناوي :
[أي ما نُدْنِدُنْ إلا حول طلب الجنة والتعوذ من النار] .

« وكان من أكثر دعائه ﷺ :

**" اللهم آتنا في الدنيا حسنة وفي الآخرة
حسنة وقنا عذاب النار "**

« وكان أيضاً من ضمن دعائه ﷺ :

**" اللهم إني أسألك الجنة وما قرب إليها من
قول أو عمل ، وأعوذ بك من النار وما قرب إليها
من قول أو عمل "**

✓ فالرغبة والرغبة، والخوف والرجاء، وسؤال الله الجنة
والتعوذ به من النار هو طريق المرسلين ، وسنة النبيين ،
ومنهج المؤمنين ، وهو من توحيد رب العالمين ، الذي خلق
الجنة والنار ، وجعلهما دار القرار لمن شاء من عباده ..

والعبادة الشرعية عند أهل السنة تشمل المحبة والتعظيم ،
والمحبة تولد الرجاء ، والتعظيم يولد الخوف .

« قال الله تعالى : { تَتَجَافَى جُنُوبُهُمْ عَنْ الْمَضَاجِعِ
يَدْعُونَ رَبَّهُمْ خَوْفًا وَطَمَعًا وَمِمَّا رَزَقْنَاهُمْ يُنفِقُونَ }
السجدة: ١٦

خوفاً وطمعاً : يعني خوفاً من العقاب وطمعاً في الثواب ..

« وقال الله تبارك وتعالى في وصف حال الأنبياء :

**{ إِنَّهُمْ كَانُوا يُسَارِعُونَ فِي الْخَيْرَاتِ وَيَدْعُونَنَا رَغَبًا وَرَهَبًا
وَكَانُوا لَنَا خَاشِعِينَ }**
الأنبياء: ٩٠

(رَغَبًا) : تعني أنهم كانوا يعبدونه رغبة منهم فيما يرجون
منه ، من رحمته ، وفضله .. و (وَرَهَبًا) : تعني رهبة منهم
، من عذابه ، وعقابه ، بتركهم عبادته ، وفعلهم معصيته .

« وإذا كان النبي ﷺ هو أعبد الخلق لله عز
وجل وأحب الخلق لله عز وجل ومع ذلك كان
يبدو في سجوده ويسأل الله الجنة ويستعيز به
من النار ، وهو سيد ولد آدم ﷺ !



قضية حياة

«لو أي حد فينا يا شباب قرأ في سير وأحوال الصحابة والتابعين من السلف الصالح ، هياقي فيها العجب العجائب ! الناس دي حياتهم كانت كلها طاعة وعبادة وزهد وتقوى وورع ، وكانوا يعملوا حاجات بالنسبة لنا دلوقتي أول ما بنسمعها بنقول دي حاجات صعبة أوى ، بل مستحيلة في بعض الأحيان !!!!

طيب ما إحنا لازم نسأل نفسنا ..

لبيبيبيبي كده ؟؟؟؟؟!!

محدث يقول أصل مكش عندهم فتن ولا مشاكل ، اللي هيقول كده يبقى مقراش ومش عارف حاجة ! آه فتن زماننا أكبر وأشد ، بس مش دي الحجة والشماعة اللي ممكن نعلق عليها أحوالنا السيئة جداً ! والمفروض إن الإسلام هو الإسلام ! والقرآن هو القرآن ! مفيش حاجة اتغيرت يعني ! أمال فيه إيه بالظبط ؟؟؟؟ إحنا ليه مش زيه خالص ؟؟؟؟

ليه هما كده وإحنا كده بالفرق

الشباب اسع ده ؟؟؟!!



«واللي هيدرس حياة الصحابة والتابعين هياقي تفاعلهم مع قضية الجنة والنار بالذات مختلف تماماً !!!!!!! اما عننا ، وده كان السبب الرئيسي من الأسباب التي جعلت جيل الصحابة يصل إلى ما وصل إليه من هذه الدرجة السامية الرفيعة من الأخلاق ، ومن الاعتقاد في الله عز وجل ، ومن العمل والتضحية في سبيل الله عز وجل ، فكانت الجنة والنار هي "النقطة المحورية" في حياة كل واحد منهم ..

«ولو تأملنا يا شباب في القرآن الكريم اللي ربنا أنزله علشان نتأمل ونتدبر فيه ، هنلاقي إن تقريباً مفيش سورة من القرآن وبالذات السور المكية مفيش تذكر بالدار الآخرة ، بل مش سورة ويس ؛ ده تقريباً مفيش صفحة مش فيها تذكر بالآخرة سواء تصريح أو تلميح ..

طيب ليه كده ؟؟؟ ليه كل ده ؟؟؟!!

ما كان يكفي آية واحدة أو سورة واحدة ربنا يذكر فيها الآخرة وكنا هنقرأها ونؤمن بيها وانتهى الموضوع !!!

ليه تكرر الآيات اللي بتتكلم عن

الدار الآخرة بالشكل ده ؟؟؟



قال الإمام ابن القيم رحمه الله في الفوائد :

[وأما الحق الذي هو غاية خلقها - أي: السموات والأرض وما بينهما- فهو: **غاية تَراد من العباد ، و غاية تَراد بهم،**

﴿فالتى تُراد منهم : أن يعرفوا الله تعالى ، وصفات كماله عز وجل ، وأن يعبدوه لا يشركوا به شيئاً ، فيكون هو وحده إلههم ، ومعبودهم ، ومطاعهم ، ومحبيبهم ، فأخبر سبحانه وتعالى أنه خلق العالم ليعرف عباده كمال قدرته ، وإحاطة علمه ، وذلك يستلزم معرفته ومعرفته أسمائه وصفاته وتوحيده .

قال تعالى (وما خلقت الجن والإنس إلا ليعبدون) ، فهذه الغاية هي المُرادة من العباد ، وهي أن يعرفوا ربهم ، ويعبدوه وحده .

﴿وأما الغاية المُرادة بهم : فهي الجزاء بالعدل والفضل، والثواب والعقاب ، قال تعالى (ولله ما في السموات وما في الأرض ليجزي الذين أساءوا بما عملوا ويجزي الذين أحسنوا بالحسنى) التجم: ٣١ ، وقال تعالى (إن الساعة آتية أكاد أخفيها لتجزى كل نفس بما تسعى) طه: ١٥ ، وقال تعالى (وعد الله حقاً إنه يبدأ الخلق ثم يُعيده ليجزي الذين آمنوا وعملوا الصالحات بالقسط والذين كفروا لهم شراب من حميم وعذاب أليم بما كانوا يكفرون) يونس: ٣-٤ .]



«يا ترى إيه اللي وصلهم ودفعهم للمستوى العالي ده من التطبيق العملي والتغيير الفعلي ؟؟؟!!

«ليه هما كانوا أول ما يسمعو الأمر والنهي يقولوا في الحال **سمعنا وأطعنا** ؟؟ وإحنا ليل نهار عمالين نقرأ ونسمع ولكن بنقول **سمعنا وعصينا** ؟؟!

«تعالوا مع بعض نعرف السبب ««

☑ اللي بيقراً في سير وأحوال الصحابة والسلف الصالح ، هيعرف ببساطة إن الفرق الملحوظ بيننا وبينهم هو :

« قوة إيمانهم الشديدة باليوم الآخر.. وضعف إيماننا الشديديبيبي به !!

« الناس دي كان مستوى تصديقهم بالدار الآخرة عالي جداً.. كان **حاجة تفوق الوصف** .. لكن مستوى تصديقنا وإيماننا ويقيننا بالقبر والصراط والعرض على الله والحساب والميزان والجنة والنار **أضعف من الضعيف جداً** ..!!!!!!



الصحابة وجعلتهم يتغيروا ، بل ويثبتوا على التغيير ده مع كل أنواع الإيذاء والعذاب والمحن والآلام اللي مروا بيها في الفترة العصبية اللي عاشوها في الوقت ده ..

« شوف حديث السيدة عائشة رضي الله عنها اللي بتقول فيه :

« أول ما نزلت من القرآن سورة فيها ذكر الجنة و النار -

تعنى سورة المدثر - و هي ثاني سورة ،

وفيها قوله تعالى: { فَإِذَا نَفَرَ فِي الشَّقَوْرِ }

وقوله تعالى: { وَمَا جَعَلْنَا أَصْحَابَ النَّارِ إِلَّا مَلَائِكَةً }

وقوله تعالى: { كُلُّ نَفْسٍ بِمَا كَسَبَتْ رَهِيْنَةٌ * إِلَّا أَصْحَابَ

النَّيْمِينَ * فِي جَنَّاتٍ يَتَسَاءَلُونَ * عَنِ الْمُجْرِمِينَ }

حتى إذا ثاب الناس إلى الإسلام نزل الحلال والحرام »

وبتقول في حديث ثاني: « أنزل على النبي ﷺ وأنا جارية

أُلعِبَ { بِلِ السَّاعَةِ مَوْعِدُهُمْ وَالسَّاعَةِ أَذْهَى وَأَمْرٌ } القمر: ٤٦

و ما نزلت البقرة و النساء إلا وأنا عنده في المدينة »

« السيدة عائشة أم المؤمنين رضي الله عنها بتقول إن أول سورة نزلت من القرآن كان فيها آيات الجنة والنار ، ودي اللي جعلت قلوب الصحابة قلوب رباتية بجد زاهدة في الدنيا و صابرة على التضحية بكل ما تملك من أجل الفوز بالآخرة.



« اللي هيتأمل هيعرف إن ربنا سبحانه وتعالى

أراد إن الآخرة تترسم في قلوبنا من كتر تكرار

معانيها في القرآن ، بل تتنقش على جدران قلوبنا

وتبقى فعلاً حق اليقين ، ومتغيبش عن عيوننا

لحظة واحدة ، فمحدث يتحرك حركة ولا يلمس

لمسة ولا ينظر نظرة ولا ينطق بكلمة إلا

وهو حاطط الآخرة قصاد عينه !

☑ وده كان أسلوب القرآن التربوي الرائع مع الصحابة في بداية إسلامهم بتذكيرهم بالآخرة .. قلوب الصحابة اللي كانت عايشة في مجتمع كله فجور ومنكرات وكُفر كانت محتاجة معجزة علشان تتغير وتقدر تبعد عن المنكرات دي.

☑ والمعجزة دي كانت في آيات القرآن اللي كانت بتنزل على القلوب تزلزلها وتغسلها وتنضفها وتماها بنور الإيمان .. ولكن .. مش أي آيات كانت هتأثر في القلوب دي .. فكانت آيات الدار الآخرة وخاصة آيات الثواب والعقاب والجنة والنار هي الحاجة اللي زلزلت قلوب



« أنا يا شباب لو شوفنا الجنة والنار بقلوبنا ..! »

كان هيبقى أحوالنا زي ما النبي ﷺ قال :

« خُرِضْتُ عَلَى الْجَنَّةِ وَالنَّارِ » ، فلم أر كاليوم في

الخير والشر ، ولو تعلمون ما أعلم لضحكتم قليلاً

ولبكيتم كثيراً ، فما أتى على أصحاب رسول الله ﷺ

يوماً أشد منه ، غطوا رؤوسهم ولهم خنين » رواه البخاري

وفي رواية أخرى :

« والذي نفسي بيده لو رأيتم ما رأيتم لضحكتم قليلاً

ولبكيتم كثيراً ، قالوا : وما رأيتم يا رسول الله ؟؟؟

قال : رأيت الجنة والنار » رواه مسلم

« النبي ﷺ بيقول للصحابة :

أنا لو شوفتوا اللي أنا شوفته !!!

لو شوفتوا الجنة والنار زي ما شوفتها !!

لضحكتم قليلاً وبكيتم كثيراً !!

ومكنتش هتبقى دي أحوال الناس

من الغفلة والتلهي بالدنيا !!!!



☛ يعني يا شباب التذكرة باليوم الآخر والجنة والنار كانت هي أكبر دافع للصحابة على التغيير والثبات في بداية إسلامهم ، بل وكانت دافع للتنافس الرهيب في الطاعات ما بينهم .. وده كان نفس حال السلف الصالح من بعد الصحابة في تركهم للمحرمات وتنافسهم الشديد في الطاعات عن طريق تذكيرهم للآخرة ..

إنما إحنا لما نسينا إن فيه حاجة اسمها آخرة وجنة ونار ، بعدنا أووووي عن ربنا واتجرأنا على حرمانه وغرقنا في طوفان الشهوات الحرام وللأسف الشديد أصبحت أحوالنا بالحالة المؤسفة البشعة الشنيعة اللي متخافش على حد !!

يحيى قال الإمام ابن القيم رحمته الله : [وإذا خلا

القلب من ملاحظة الجنة والنار ، ورجاء هذه ،

والهروب من هذه ، ففُتِرَ عزائمه و ضعفت

همته و وَهِنَ باعته ، وكلما كان أشد طلباً للجنة

وعملاً لها كان الباعث للطاعة أقوى ، والهمة

أشد ، والسعى أتم]

يا شباب لو عرفنا يعني إيه جنة ونار !!!

لو عرفت يا حبيب قلبي يعني إيه جنة ونار بجد وعشت بقلبك معاهم هتغير حياتك ومش هتقدر تعمل أي معصية .. هتيجي تعمل أي معصية هتخاف وقلبك هيتربع إنك ممكن تتعاقب عليها في جهنم بعقاب رهيبين إنت متقدرش تتحمل ثانية واحدة منه !!!

لو عرفتي يا أختي يعني إيه جنة ونار بجد وعشتي بقلبك معاهم هتيجي تعملي أي معصية هتخافي وقلبك هيتربع إنك حتى لو مش هتتعاقبي عليها في النار فمممكن تتحرمني بيها من نعيم متحلميش بيه كان ليكي في الجنة !!!

هنقدر يا شباب نبعد عن كل معصية حتى لو كانت قلوبنا متعلقة بيها جدا وكنا مدمنين لها .. بس ده لو عرفنا بقلوبنا يعني إيه جنة ونار وعشنا معاهم وحطيناهم قدام عينا !!!

الصحابه الكرام لما عرفوا يعني إيه جنة ونار بجد .. عملوا إيه ؟؟

لقيننا اللي بيتصدق بفلوسه كلها في سبيل الله ! سيدنا أبو بكر اتصدق بماله كله أربع مرات في سبيل الله !!!!!

لقيننا اللي بيبترك زوجته وبيخرج يجاهد ليلة دخلته ! سيدنا حنظلة ساب عروسته ليلة دخلته لما سمع النداء وخرج يجاهد مع النبي ﷺ !!!!!!!

لقيننا اللي بيتحمل جميع أنواع الايذاءات الجسدية والمعنوية اللي مفيش بشر يتحملها ! سيدنا بلال وسيدنا خباب وسيدنا مصعب !!!!!

الصالحين لما عرفوا يعني إيه جنة ونار .. بقى فيهم اللي بيقيم الليل من العشا للفجر ! وبقى فيهم اللي بيختم القرآن كل ٣ أيام طول حياته ! وبقى فيهم اللي ببصلي في الصف الأول وماتفوتوش تكبيرة الإحرام ٤٠ سنة !! وبقى فيهم القادة والعلماء اللي ملأوا الكون كله بنور الإسلام !

أقف وتدبر وعيش بقلبك مع المشاهد العظيمة دي .. عشا بقلبك انهارد في الدنيا مع القرآن وكأنها بتحصل قصاص عينك .. عايزين من هنا وجاي نسمع آيات الجنة والنار بقلوبنا مش بأذننا ومتعديش علينا مرور الكرام زي ما مرت علينا ١٠٠٠ مرة قبل كده!

عايزين نقرأ القرآن ونعرف إنه هو اللي بيخلي الدار الآخرة مش بس مشاهد ، مش بس صوت وصورة .. لأ ؛ ده بيخليك كأنك عايش وسط الأحداث ومتفاعل معاها ..

زي ما النبي ﷺ يقول :

« من سره أن ينظر إلى يوم القيامة كأنه رأى العين ، فليقرأ " إذا الشمس كورت" و " إذا السماء انفطرت" و "إذا السماء انشقت" » صححه الألباني
رأى عين : يعني بث مباشر من الدار الآخرة كأنك فيها ..

زي ما ربنا عز وجل يقول في القرآن :

{ وَلَوْ تَرَىٰ إِذِ الْمُجْرِمُونَ نَاكِسُو رُءُوسِهِمْ عِندَ رَبِّهِمْ }

السجدة: ١٢ ..

ولو ترى: يعني خلاص كأنك شايفها بعينك دلوقتي ..

لأسف البعض منا وبعض العلماء والدعاة لما بيتكلموا عن الجنة بتحس في كلامهم وكأنهم بيتكلموا عن شيء نظري ! مبتشعرش في كلامهم بالأحاسيس اللي كان بيعيشها الصحابي ويستشعرها عند كلامه أو سماعه عن الجنة والنار .. فالصحابي وإن كان بسيط في عمله أو قليل في معلوماته ، إلا إنه لما كان يعرف معلومة واحدة عن الجنة والنار يفضل يتعاش معاهم لحد ما يلقي الله !! حتى ولو كان أعرابي بسيط جداً .. لكنه سبحانه الله كان بيتأثر بيها تأثر قوي جدااا .. وهو ده "الفرق الجوهرى" في الموضوع .. وعلشان كده نفسي نعيش بقلوبنا مع المعاني دي زي ما الصحابة رضي الله عنهم أجمعين عاشوها .. المعاني دي لو دخلت قلوبنا هتغير فكرنا وأحلامنا وطموحاتنا .. المعاني دي هتصحى قلوبنا وتربها وتملأها يقظة وهمة ومشاعر ومقامات إيمانية عالية جداً ..

يا حبيب قلبي .. لما تقرأ آيات الجنة والنار في القرآن وتشوف الوصف التفصيلي لهم هتلاقي حاجة إعجازية في الوصف والبيان .. فلازم تقف وتدبر وتتأمل في كل آية .. بل في كل كلمة وكل حرف بدون مبالغة !!!!!



✍ قال الإمام القرطبي في تفسير قوله تعالى "كَلَّا لَوْ

تَعْلَمُونَ عِلْمَ الْيَقِينِ * لَتَرُونَ الْجَحِيمَ :

[أي لو تعلمون اليوم في الدنيا ، علم اليقين فيما أمامكم ، مما وصفت ، "تَرَوْنَ الجحيم" بعيون قلوبكم ؛ فإن علم اليقين يريك الجحيم بعين فؤادك]



❦ وخذ بالكَ إن القرآن أثناء كلامه عن الجنة والنار يعرض **بعض اللقطات** التي تُثير القلب ، وتُثير الرغبة الموهلة لدخول الجنة والنجاة من النار ، و **القلب الحي** لما يسمع آيات ربنا عن الجنة والنار ويعيش معها هياقيه فعلاً يبدوب من اللهفة والشوق للجنة والخوف والنجاة من النار !

❦ وعلشان كده يوم القيامة ، أهل الجنة من المؤمنين اللي كانوا عايشين بقلوبهم في الدنيا مع الجنة والنار كأنهم رأي عين .. **أول خطاب ليهم وكلام ليهم مع أهل النار**
هيكون عن إن أهو كل شئ طلع بجد ، كما قال تعالى :

وَنَادَىٰ أَصْحَابُ الْجَنَّةِ أَصْحَابَ النَّارِ أَنْ قَدْ

وَجَدْنَا مَا وَعَدَنَا رَبُّنَا حَقًّا { الأعراف: ٤٤



◀ أهو .. كل اللي إحنا كنا عايشين معاه بقلوبنا في الدنيا لقيناه يوم القيامة عند ربنا .. إحنا وجدنا ما وعدنا ربنا حقا .. لقينا النعيم حق ولقينا الحور حق ولقينا القصور حق ولقينا الموائد بتاعة الجنة حق ولقينا النظر لوجه الله حق ولقينا السعادة الأبدية حق .. وبعدين يسألوهم :

{ فَهَلْ وَجَدْتُمْ مَا وَعَدَ رَبُّكُمْ حَقًّا }

لَقَيْتُمُ الْحَمِيمَ حَقَّ ؟؟ لَقَيْتُمُ نَارَ جَهَنَّمَ حَقَّ ؟؟ لَقَيْتُمُ عَذَابَ السَّعِيرِ حَقَّ ؟؟ **فَإِذَا أَهْلُ النَّارِ :**

{ قَالُوا نَعَمْ }

➔ نعم كلمة من ٣ حروف بس فيها

مرار الكون كله !! مش إنتم مكنتموش

مصدقين إن فيه آخرة وجنة ونار ولا

كنتم تعرفوا یعنی ایہ جنة و نار ،

أديكم شوفتوا بعنيكم ، بس بعد إيبه ؟؟!!



👉 **وعلشان كده الصدمة هتكون رهيبه يوم القيامة على كل واحد نسي وغفل ومحاولش يعيش بقلبه مع الدار الآخرة ..**

**لما هيشوف الجنة والنار وقتها هيصرخ ويقول إيه ده؟!
والله يا رب ماكنت أعرف إن الجنة والنار بالشكل ده!!**

يا رب ده أنا كنت مابصليش ال ٢ اركعة سنّة اللي النبي ﷺ
قال إن اللي هيصليهم هياخد قصر في الجنة وكنت بكبر
دماغي وماكنش عارف إن قصر الجنة بالمنظر ده!!!

❖ يا ندمي !! يا ندمي على كل طاعة سبتها
وكل ١٢ ركعة ضاعوا مني في يوم من الأيام!

والله يارب ولا كنت أعرف إن النار كده !!! والله يارب
مكتشش أعرف إن عقوبة المواقع الاباحية والمخدرات
والعلاقات مع البنات هتقم بالنار اللي بالمنظر ده !!!

❖ **یا ندمی !! یا ندمی علی دقیقه قضیتها**

في معصية ومتبتش منها في يوم من الأيام !!

✓ **صبراً فإن موعدك الجنة** يا كل بنت بتخاف ربنا ومحافضة على قلبها ومشاعرها من الحب الحرام ومش بتكلم ولاد ولا بتختلط معاهم وبتجاهد نفسها وشيطانها علشان ترضي ربها !

✓ **صبراً فإن موعدك الجنة** للموظف النزيه اللي بيتقن عمله ويراعي ربنا ومش بيسرق ولا يرتشي ولا يغش !

✓ **صبراً فإن موعدك الجنة** لكل واحد بيتقي ربنا في تعاملاته وأخلاقه وحياته كلها وقابض على الجمر برغم طوفان الاغراءات والشهوات اللي إحنا عايشين فيه ..!

☛ شوفتوا يا شباب كلمة الجنة كانت بتعمل إيه في الناس؟؟!

كلمة **الجنة** كانت بتخلّي الناس تنسى حياتها كلها بأوجاعها ومشاكلها .. كلمة **الجنة** خلّت الناس يهون عليها المرض وتصبر عليه ! **الجنة** خلّت الناس تغيّر حياتها وتضحى بكل شئ علشان تفوز بيها .. يارب نبقى زيهم ..



☛ يا ترى النبي ﷺ خطب ليهم خطبة وقعد يديهم مواظ علشان يثبتوا في الموقف الصعب ده؟؟ لأ .. النبي ﷺ قالهم :

"صبراً آل ياسر ! فإن موعدكم الجنة"

الجنة ؟؟؟!!! كلمة واحدة كانت هي سبب ثباتهم وصبرهم !!! موعدكم الجنة كان بتهون عليهم كل الايذاء وبتخفف عنهم كل التعب وكل الألم !!!

- وعلشان كده بنقول لكل واحد مُتمسك بدينه في زمن الفتن

"صبراً فإن موعدك الجنة"

✓ **صبراً فإن موعدك الجنة** بنقولها للبنت العفيفة صاحبة الحياء اللي اللي قاومت إغراء الموضة ولبست الحجاب الصح واللبس الواسع اللي يداري زينتها ويرضي ربها ، ومش هاممها كلام الناس وتريقتهم !

✓ **صبراً فإن موعدك الجنة** يا كل شاب عَفَّ نفسه عن كل نظرة حرام وهو قاعد لوحده قدام التلفزيون والكمبيوتر و الموبايل وراعى ربنا في خلواته !

رسول الله ﷺ ، وده من كمال تحرزه وتورعه وأدبه، مع إنه يجوز له إنه يأخذ الخاتم وينتفع به زي إنه يبيعه مثلاً، **ومع ذلك لشدة خوفه من الله عز وجل ومن إن النبي ﷺ سمّاه جمره من نار قال لا والله، مستحيل هاخذه تاني حتى لو كان بمليون جنيه .. خلاص انتهى !!!**

☛ وعن أبي هريرة ؓ قال: خرجنا مع النبي ﷺ إلى خيبر، ففتح الله علينا، فلم نغنم ذهباً، ولا ورقاً، غنمنا المتاع، والطعام، والثياب، ثم انطلقنا إلى الوادي - أي وادي القرى - ومع رسول الله ﷺ عبد له، وَهَبَ له رجل من بني جذام، يُدعى رفاعه بن زيد - من بني الضبيب - فلما نزلنا الوادي، قام عبد رسول الله ﷺ يحلّ رحله، فرمى بسهم، فكان فيه حتفه، فقلنا: هنيئاً له الشهادة! فقال النبي ﷺ: "كلا والذي نفس محمد بيده، إن الشملة لتلتهب عليه نارا، أخذها من الغنائم، لم تصبها المقاسم"، قال: "ففزع الناس، فجاء رجل بشراك، أو شراكين، فقال: أصبت يوم خيبر"، فقال ﷺ: "شراك من نار، أو شراكان من نار" متفق عليه

☛ وكذلك كلمة **"النار"** .. كلمة النار مكنتش كلمة عادية بنتقال وتعدي كده بكل سهولة زي ما بنسمعها دلوقتي ولا بيبأثر فينا..

دي كانت بترعب قلوبهم وتخلعها من مكانها !!!

☛ فعن ابن عباس ؓ أن النبي ﷺ رأى خاتماً من ذهب في يد رجل فنزعه فَطَرَحَهُ ، وقال ﷺ : **"يَعْمَدُ أَحَدُكُمْ إِلَى جَمْرَةٍ مِنْ نَارٍ فَيَجْعَلُهَا فِي يَدِهِ"** ، فقيل للرجل بعد ما ذهب رسول الله ﷺ : **"خذ خاتمك انتفع به"** ، فقال : **"لا والله ، لا آخذه أبداً ، وقد طرحه رسول الله ﷺ"** رواه مسلم.

☛ الحديث بيقول إن النبي ﷺ لما شاف صحابي لابس خاتم ذهب .. ما استناش لما يكلمه .. راح ونزعه من ايديه ورماه في الأرض .. ليه؟؟ لأن النبي ﷺ خايف عليه من النار فعمل كده **حباً له وشفقة عليه** .. فقالوا للرجل بعد ما ذهب النبي ﷺ خذ الخاتم بتاعك وانتفع به ، فقال: لا، والله لا آخذه أبداً وقد طرحه

❖ الصحابي ده بمجرد ما سمع كلمة النار، **أقسم وحلف بالله عمره ما هيضرب عبد تاني** .. ومش كده بس .. بل خوفه من النار جعله فعلاً مضربش من بعدها حد أبداً ...

◀ سيدنا معاذ بن عفراء ؓ كان لا يترك شئ إلا تصدق به كل ما يجيله فلوس يتصدق ، فكلموه يترك حاجة لأولاده فقالهم :

[أبنت نفسي إلا أن أستتر بكل شئ أجده من النار]

بيقول أنا أي حاجة هلاقيها هاقفل بيها باب النار عني، أي شئ هلاقيه هعمله ستار بيني وبين جهنم بس أنجو منها!

◀ النار جعلت سيدنا عبدالله بن رواحة ؓ يبكي حتى وهو في قمة الرومانسية مع زوجته .. كان نائم وواضع رأسه في حجر زوجته .. **فدمعت عيناه** ، فقالت له : لم تبكي؟ قال تذكرت قوله تعالى **[وإن منكم إلا واردة]** (أي سيمر على جهنم) ..

❖ الحديث بيقول إن أحد الصحابة استشهد في غزوة خيبر وكان أخذ "شملة" يعني قطعة قماش من الغنائم بدون وجه حق ، فالنبي ﷺ قالهم قطعة القماش اللي أخذها دي هتشتعل عليه نار يوم القيامة .. **الصحابة أول ما سمعوا كلمة النار خافوا وفرعوا** .. وأحد الصحابة كان أخذ خفية من الغنائم "شراك" اللي هو سير النعل أو رباط الحذاء ، **قام بسرعة ورده للنبي ﷺ في الحال** .. شوفتوا التطبيق الفوري بيكون شكله إيه؟؟؟ **شوفتوا خوفهم من النار كان قد إيه؟؟؟!!**

◀ وعن أبي مسعود البصري ؓ قال: **"كنت أضرب غلاماً لي بالسوط"** ، فسمعت صوتاً من خلفي: "اعلم أبا مسعود، اعلم أبا مسعود، اعلم أبا مسعود"، فلم أفهم الصوت من الغضب، فلما دنا مني إذا هو رسول الله ﷺ فإذا هو يقول: "اعلم أبا مسعود، اعلم أبا مسعود"، فسقط السوط من يدي من هيبته، فقال: **"اعلم أبا مسعود أن الله أقدر عليك منك على هذا الغلام"** ، فقلت: "يا رسول الله، هو خر لوجه الله"، فقال ﷺ: **"أما لو لم تفعل للفتحك النار، أو لمستك النار"** ، فقلت: **"والذي بعثك بالحق، لا أضرب عبداً بعده أبداً ، فما ضربت مملوكاً لي بعد ذلك اليوم"** رواه مسلم ..

❖ تعالوا يا شباب نعيش مع بعض الأحاديث اللي بتتكلم في الموضوع ده ..

موضوع حياة القلب مع الجنة والنار..

ونخرج منها بفوائد وعبر تكون بإذن الله منهج لنا في الطريق إلى الله عز وجل ..

❖ **الحديث الأول :** سيدنا حنظلة ؓ بيقول : لقيني أبو بكر ؓ ، فقال : كيف أنت يا حنظلة؟ ، قال: قلت: **نافق حنظلة!** قال: سبحان الله، ما تقول؟ ، قال: قلت: **نكون عند رسول الله ﷺ نذكرنا بالنار والجنة حتى كأننا رأينا عين** ، فإذا خرجنا من عند رسول الله ﷺ عافسنا الأزواج والأولاد والضيعات فنسينا كثيراً " رواه مسلم

◀ من فوائد الحديث :

❖ **أولاً :** شوفتوا اهتمام الصحابة بقلوبهم وتفقدتهم لأحوالها وسؤالهم لبعض عن أحوالهم الإيمانية كان عامل إزاي؟؟؟! مش زينا بنسيب قلوبنا لحد ما تصدي ويتراكم عليها التراب وتموت وتبقى أفسى من الحجر!!!!

❖ **سبحان ربي !!! شافين ذكر النار كان بيعمل إيه في قلوبهم حتى وهما في عز حياتهم الدنيوية مع أهلهم؟!**

◀ النار جعلت سيدنا سفيان الثوري التابعي الجليل ينتفض ويقوم من نومه في الليل مفزوع خايف مرعوب ينادي : **"النار ، النار، شغلني ذكر النار عن النوم والشهوات"** ، ثم يتوضأ ويقول: **"اللهم إنك عالم بحاجتي غير مُعلم ، وما أطلب إلا فكاك رقبتني من النار"** .

➡ **شوفتوا يا شباب كلمة النار كانت بنعمل إيه في الناس؟؟!!**

النار كانت سبب في تقرُّح عيون الصالحين من البكاء خوفاً منها ، النار كانت بتخليهم مش عارفين يناموا من رعبهم منها ، النار خلّت الناس تغير حياتها و تسبب كل الشهوات مهما كانت متعلقة بيها ..





« يقول الشيخ الشعراوي رَحِمَهُ اللهُ فِي تَفْسِيرِ قَوْلِ اللَّهِ :
{ إِنَّ أَصْحَابَ الْجَنَّةِ الْيَوْمَ فِي شُغْلٍ فَاكِهُونَ } يس: ٥٥

فكان الجنة كانت في بالهم وفي أذهانهم، فهم متعلقون بها وهي شغلهم الشاغل، فلهم صُحبة بالجنة، وللجنة صُحبة بهم، فكلما أقدموا على خير تذكروا الجنة فرغبوا فيه، وكلما أقدموا على شر تذكروا النار فانصرفوا عنه.



« أحد السلف واسمه هرم بن حيان كان يخرج في بعض الليالي وينادي بأعلى صوته :

" عجبت من الجنة كيف نام طالبها؟؟!!
و عجبت من النار كيف نام هاربها؟؟!! "

« والله يا شباب لو إننا سمعنا عن الجنة بأذان القلب لتغيرت أحوالنا ، ولطارت أرواحنا شوقاً إليها وتعلقاً بيها ، ولهجرنا الفراش والمنام ..

➡ إزاي واحد يعرف النعيم ده ويجيله نوم

وميسعاش إنه يوصله ؟؟؟!!

« والله يا شباب لو إننا سمعنا عن النار بأذان القلب لتغيرت أحوالنا ، وكنا هنفرّ منها فرارنا من الأسد ، كنا هنبكي ونندم ليل نهار على ذنوبنا ومعاصينا اللي هتدخلنا جهنم حذف ..

➡ إزاي واحد يعرف العذاب ده ويجيله نوم

وميسعاش إنه يهرب منه ؟؟؟!!



« يعني إيه الحديث ده ؟؟

« يعني لما نكون إحنا قاعدين دلوقتى بنذكر ربنا ونتكلم عن ربنا ، فالملائكة تستغفر لنا وتطلع لربنا ﷻ ، فيقول الله لهم وهو أعلم : يا ملائكتي كيف وجدتم عبادي ؟ فتقول الملائكة : يا رب وجدناهم يُسبحونك ويحمدونك - ما يسألون يا ملائكتي ؟ بيطلبوا إيه ؟؟ - يسألون الجنة يا رب .. أنفسهم في الجنة يارب ..

- وهل رأوها ؟؟؟.. هل شافوا قصر من قصورها ؟؟؟.. شافوا حورية من حورها ؟؟؟.. شافوا نهر من أنهارها ؟؟؟.. شافوا نعيم من نعيمها ؟؟ لا يا رب لم يروها - فكيف لو رأوها ؟؟ أمال لو شافوها فعلاً كانوا هيعملوا إيبية ؟؟؟!!

« لو شافوها ؟؟؟!! لو شافوها كانوا قطعوا السجاجيد من الصلاة يارب.. مكانوش بطلوا ذكر ولا تسبيح ولا استغفار، لو شافوها كانوا واصلوا الليل بالنهار في طاعتك يا رب .. كانوا صبروا وضحوا بكل شئ علشان يفوزوا بيها يارب ..

★ الحديث الثالث :

عن أبي هريرة رَحِمَهُ اللهُ أَنَّ النَّبِيَّ ﷺ قَالَ: « إِنْ شَاءَ تَعَالَى مَلَائِكَةُ يَطُوفُونَ فِي الطَّرِيقِ يَلْتَمِسُونَ أَهْلَ الذِّكْرِ، فَإِذَا وَجَدُوا قَوْمًا يَذْكُرُونَ اللَّهَ عَزَّ وَجَلَّ تَنَادَوْا: هَلُمُّوا إِلَى حَاجَتِكُمْ، فَيُحْفَوْنَهُمْ بِأَجْنَحَتِهِمْ إِلَى السَّمَاءِ الدُّنْيَا، فَيَسْأَلُهُمْ رَبُّهُمْ وَهُوَ أَعْلَمُ..... فيقول تعالى: ماذا يسألون؟ قال يقولون: يسألونك الجنة، قال: يقول: وهل رأوها؟ قال: يقولون: لا والله يا رب ما رأوها. قال: يقول: فكيف لو رأوها؟ قال: يقولون: لو أنهم رأوها كانوا أشد عليها حرصاً وأشد لها طلباً وأعظم فيها رغبة. قال: فمِمَّ يتعوذون؟ قال: يتعوذون من النار؟ قال: فيقول: وهل رأوها؟ قال: يقولون: لا والله ما رأوها، فيقول: فكيف لو رأوها؟ قال: يقولون: لو رأوها كانوا أشد منها فراراً وأشد لها مخافةً ، قال: فيقول: فأشهدكم أنني قد غفرت لهم » متفق عليه

تخيل لو شوفنا الجنة والنار كنا هنعبد ربنا إزاي؟؟؟

تخيل كان هيبقى اجتهدنا في العبادة قد إيه؟؟؟ مكنش حد
يخرج من الجامع ، مكنش حد هيسيب المصحف من إيدِه!

«**ده إحنا لو شوفنا بعيننا أجر مادي دنيوي للطاعة ،
كانت كل الناس هتجري وتتسابق وتموت نفسها عليه ..**

«**يعني مثلاً لو قولنا إن اللي هيصلي هياخذ شقة
على النيل فوراً أول ما يخرج من الجامع مكنش حد
هيسيب صلاة واحدة !! كانت الناس هتبات في الجامع
وهي قاعدة بتحلم بالشقة اللي على النيل !!!** إنما لو
قولنا اللي هيصلي هياخذ قصر في الجنة الناس بتزهد
وكأنه ولا يسوى !!!!

«**وعلشان كده ربنا ﷻ جعل الأجر والثواب غيب
ولكنه أخبرنا عنه علشان يختبر الناس .. لأن الناس
عايزة الواقع الملموس العاجل اللي قدام عنينا ..**

ثم يقول الله : وممما يتعوذون؟؟ بيطلبوا مني إني
أحميهم وأعصمهم من إيه؟؟ - **بيتعوذوا من النار
يارب ..** أنفسهم ينجوا من النار يارب .. وهل رأوها
..؟؟ هل شافوا الحميم والزقوم؟؟ هل شافوا مقامع
الحديد والأغلال والسعير؟؟؟ هل شافوا أي عذاب من
عذابها؟؟؟؟ **لا يا رب لم يروها ، - فكيف لو رأوها؟
أمال لو شافوها فعلاً كانوا هيعملوا إيه؟؟؟**

«**لو شافوها؟؟!! لو شافوها مكنش حد اتفرج على
فيلم إباحي أو قناة فيها غري يارب .. مكنش واحدة
خرجت ببدي أو بنظلون أو أي لبس ضيق يا رب ..
لو شافوها مكنش حد هيسرق أو يغش أو يظلم
يارب.. مكنوش بارزوك بالمعاصي ليل نهار يا رب!
مكنوش حتى بس فكروا في أي معصية تغضبك يا
رب ..!**

«**يا شباب .. لو عشنا مع الجنة والنار بجد بقلوبنا ،
عبادتنا نفسها هتتغير وهيبقى ليها
طعم ثاني خالص ..
هتدوق طعم العبادة بجد ..
هتحمس بحلاوة كل طاعة بجد ..
مش هيبقى روتين وحركات بتأديها لحد
ما تمل منها !!!**

«**تخيل لو إنت قاعد كده واتفتحت السماوات وشوفنا
دلوقتي حالاً على الهواء مباشرة الجنة والنار .. بالله عليك
قوللي عبادتك هيبقى شكلها إيه؟؟ فكر كده؟؟ تخيل بقى
وانت واقف تصلي وشايف قدامك هنا جنة وشايف هنا
النار؟؟**

«**بالله عليك صلاتك هيبقى شكلها إيه؟؟ هتفرق كثير
جداً عن واحد واقف ببصلي وهو مش شايف غير الأرض
والموكيت ، صح ولا لا؟؟ وده اللي كان بيعمله أحد
الصالحين علشان يخشع في الصلاة ، كان إذا جاء يصلي
يقول : " تخيلت الجنة عن يميني والنار عن شمالي "**

بالنسبة لنا الجنة بعيدة ووقتها يبقى يحلها الحلال، إنما
الدنيا بين إيدينا ، فأحنا مستعجلين وعايزين الحاجة
العاجلة حتى لو حقيرة، والحاجة الآجلة حتى لو عظيمة
لأ مش عايزينها..!! فكان لابد من الامتحان بإخبار
الناس عن الثواب وتأجيله ليوم القيامة ليعلم الله مين
الصادق في طلب الآخرة ومين الكاذب ..!؟

♥ ومن أروع ما قال الإمام ابن القيم رَحِمَهُ اللهُ في هذا الأمر:

**[إذا أراد الله بعبد خيراً فجّر في قلبه عينين
عيناً يرى بها الجنة ، وعيناً يرى بها النار]**

☑ فمفيش كلمة يتكلم بها أو فعل يفعله **إلا ويعرضه على
الجنة والنار الأول..** يعني العمل ده يودي الجنة نعمله ،
وده يودي النار لأ بلاش منه .. الكلمة دي تودي فين ؟
الفردوس أقولها وبكل قوة .. الكلمة دي تودي فين؟؟ لأ دي
تودي جهنم بلاش منها خالص .. **وهي دي العيون اللي
محتاجينها علشان نشوف بيها في ظلام الفتن الدامس اللي
إحنا عايشين فيه... محتاجين العيون دي في قلوبنا علشان
نقدر نشغل ونجتهد ونصبر لحد آخر نفس في عمرنا !!**



اعرف طريقك

«أي إنسان فينا عنده هدف معين ، لازم بيدور على الطريق اللي بيوصل للهدف ده .. ولكن .. حتى لو لقيت الطريق ، فلازم تكون عارف ودارس طريقك كويس أوي ، وإلا مش هتقدر تكمل فيه وتوصل للنهاية .. ولذلك قالوا :

[إن معرفتك بطريقك منذ البداية وما يحتويه من مزالق ومهالك هو أساس كل تخطيط ناجح مدروس دراسة جدية لا تعرف الهزل ، وذلك أرجى للعاقل من أن يفاجئه في نهاية الطريق حفرة قد يكون فيها هلاكه أو مسارات متعرجة تعطله عن استئناف السير ومواصلة الرحلة]

« طيب يا نرى طريق الجنة و طريق النار شكله إيه؟

النبي ﷺ جاب جواب على السؤال ده بأبلغ وأجمع إجابة فقال :

« حُفَّتِ الجنة بالمكاره ، وحُفَّتِ النار بالشهوات » متفق عليه



« تخيل وإنت بتطلع فلوس من جيبك وشايف الجنة والنار قدام عنيك هتطلع قد إيه ؟؟ وهتستخسر ولا لا؟ تخيل وإنت بتعمل أي عمل خير سواء بتخدم أيتام أو بتتبرع بالدم أو أي عمل خيرى هيبقى شوقك إليه وحبك له مهما كان تعبك ومجهودك فيه شكله إيه ؟؟ أهي دي بقى المسألة اللي بنتكلم عنها وعايزين نحققها في حياتنا علشان نعيشها صح .

قال سُفيان الثوري:

لو أن اليقين استقر في القلب كما ينبغي ،
لَطَارَ فرحاً ، وحرناً ..
شوقاً إلى الجنة ! أو خوفاً من النار !

« فمن تيقن بالجنة وتذوق طعم الجنة في الدنيا ، لم يجد عنه بديلاً ولم يسترح أو يهدأ حتى يدخلها ويتنعم بنعيمها..

« ومن تيقن بالنار ولفحه لهيب النار في الدنيا ، لم يسترح أو يهدأ حتى ينجو منها ولا يسمع حسيستها ..



- فرينا سبحانه وتعالى وهو أحكم الحاكمين قدّر إن طريق الجنة يكون محفوف بالمكاره ، وطريق النار مفروش بالشهوات ؛ ليعلم - وهو علام الغيوب - مين اللي هيؤثر طاعة ربنا ورضاه؟؟ ومين هيؤثر أهواء نفسه وشهواته؟؟ و حُفَّتِ بمعنى: أُحيطت ، من جميع النواحي .. فمحدث هيوصل للجنة إلا بتخطي تلك الحواجز من المكاره ، ولا حد هيوصل للنار إلا بتخطي تلك الحواجز من الشهوات..

« وفي رواية أخرى للحديث قال ﷺ :

« حُجِبَتِ النَّارُ بِالشَّهَوَاتِ ، وَحُجِبَتِ الْجَنَّةُ بِالْمَكَارِهِ »

« قال الإمام ابن حجر رَحِمَهُ اللهُ فِي فَتْحِ الْبَارِي : [وهو من جوامع كلمه وبديع بلاغته ﷺ في ذم الشهوات وإن مالت إليها النفوس ، والحَصَّ على الطاعات وإن كرهتها النفوس وشق عليها ، فكأنه قال لا يوصل إلى الجنة إلا بارتكاب المشقات المعبر عنها بالمكروهات ، ولا إلى النار إلا بتعاطي الشهوات ، وهما محجوبتان ، فمن هَتَكَ الحِجَاب اقْتَحَم وَوَصَلَ]

« وفي الحديث اللي ذكرناه قبل كده أن النبي ﷺ قال:

« لما خلق الله الجنة قال لجبريل: اذهب فانظر إليها، فذهب فنظر إليها ثم جاء فقال: أي رب وعزتك لا يسمع بها أحد إلا دخلها، ثم حَفَّهَا بِالْمَكَارِهِ ، ثم قال: يا جبريل اذهب فانظر إليها، فذهب فنظر إليها، ثم جاء، فقال: أي رب وعزتك لقد خشيت أن لا يدخلها أحد، قال: فلما خلق الله النار قال يا جبريل اذهب فانظر إليها ، فذهب فنظر إليها، ثم جاء فقال: أي رب وعزتك لا يسمع بها أحد فيدخلها، فَحَفَّهَا بِالشَّهَوَاتِ ، ثم قال: يا جبريل اذهب فانظر إليها فذهب فنظر إليها ، ثم جاء فقال: أي رب وعزتك لقد خشيت أن لا يبقَى أحد إلا دخلها » صححه الألباني

« النبي ﷺ يقول لما ربنا ﷻ خلق الجنة أرسل إليها سيدنا جبريل فنظر إليها، فقدم تقرير عن اللي شافه وقال : "وعزتك لا يسمع بها أحد إلا دخلها" ، كل اللي هيسمع عنها هيجري عليها علشان يفوز بالنعيم والمتعة اللي محدش يتخيلها ..

◀ **المكاره** يعني الجوع والعطش في الصيام ، والسهر في القيام ، والتعب في السعي لكل أعمال البر والخير ..

◀ **المكاره** يعني تصبر علشان لا تترك الصلاة، لا تزني، لا تقتل، لا تعق والدك، لا تأكل ماحرم الله ، لا تغتاب، لا تنتظر للنساء ، لا تستمع للأغاني، لا تكذب ، لا تشرب الخمر، لا تؤذي جارك، لا تتعدى على حقوق الغير، لا تسرق، لا تأكل الربا، لا تظلم ، لا تشهد الزور..... إلخ ..

❖ فلما رأى سيدنا جبريل المكاره وهي حول الجنة ، قدم تقرير جديد وهو مُشفق علينا وقال:

((وعزتك ، لقد خشيت أن لا يدخلها أحد))

بعد ما شاف المكاره اللي أحطيت بها الجنة خاف إن الناس متصبرش عليها لدرجة إنه ممكن محدش يدخلها خالص! لأن النفس البشرية بطبيعتها بتميل للراحة والاسترخاء والكسل والاستعجال وقلة الصبر!

((ثم حَقَّها الله بالمكاره))

◀ والمقصود **بالمكاره** هنا ما أمر الله العبد بمجاهدة نفسه فيه أمراً ونهياً ، فعلاً وتركاً من التكاليف الشرعية ، كالاتيان بالعبادات على وجهها والمحافظة عليها واجتناب المنهيات قولاً وفعلًا .. وغير عنها بالمكاره لأنها لا تخلو من صعوبة ومشقة ، فتوحيد الله وتحقيق مقتضياته وتنزيه الله عملياً خاصة في هذا الزمان فيه مشقة ، وإخلاص العمل بعيداً عن السمعة والرياء من المكاره اللي تحتاج إلى المجاهدة، والمحافظة على الصلوات في أوقاتها في المسجد وخاصة صلاة الفجر والإنسان في عز نومه من المكاره ، والإنفاق في سبيل الله من المكاره ، والأمر بالمعروف والنهي عن المنكر في زمن الحرية الشخصية من المكاره ، والصبر على المصيبة والتسليم لأمر الله فيها من المكاره ، ومن أعظم المكاره في زماننا الالتزام والاستقامة على دين الله ، لأن مصطلحات التشهير والتنفير والطعن والتشويه جاهزة ، فالملتزم أصبح أصولي أو إرهابي أو رجعي ، متطرف أو متخلف أو مجنون ، والله المستعان .. !

**هو ده يا شباب طريق الجنة..
مفيش طريق ثاني !**

بس خد بالك .. لو هتصبر وتصدق مع الله ، هتلاقي كل شيء بقى سهل ويسير وزي العسل على قلبك بفضل الله..

وده مصداقاً لقول الله تعالى :

{ وَلَٰكِنَّ اللَّهَ حَبَّبَ إِلَيْكُمُ الْإِيمَانَ وَزَيَّنَهُ فِي قُلُوبِكُمْ وَكَرَّهَ إِلَيْكُمُ الْكُفْرَ وَالْفُسُوقَ وَالْعِصْيَانَ }
الحجرات: ٧

وقول النبي ﷺ :

« وإنه ليسير على من يسره الله عليه »
بس إنت أصدق مع الله ،
أقبل بصدق وهتلاقي التيسير كله..

◀ **المكاره** يعني طريق الجنة صعب ومش سهل ، وفيه مطبات لازم هتقابلك .. فالإنسان أوقات كتير بتبقى قدامه الشهوات وتكون متاحة له ، وده تركه شاق وصعب على النفس بكل تأكيد ، ولكن لما الواحد يتذكر دائماً إن الجنة حُفَّت بالمكاره يصبر ويجاهد نفسه، ويعرف إن الجنة عايضة قرار جرىء في كل شهوة نفسك بتهواها ويتروحها، زي ما ربنا قال :

{ وَأَمَّا مَنْ خَافَ مَقَامَ رَبِّهِ وَنَهَى النَّفْسَ عَنْ أَهْوَىٰ (٤١) فَإِنَّ الْجَنَّةَ هِيَ الْمَأْوَىٰ }

الفاتح: ٤٠-٤١

➡ أه هتصبر وتتعب شوية ..

ولكن بعد كده فيه إيه ؟؟

بعد الكام سنة اللي هتصبرهم هتلاقي إيه ؟

هتلاقي من النعيم مالا عين رأت ولا أذن سمعت

ولا خطر على قلب بشر..



﴿ يا شباب .. كل ما هتعدى من شهوة هتقابلك غيرها ، وكل ما هتتحمل طاعة هيجي بعدها غيرها ، **فلا الشهوات هتنتهي ولا المكاره هتتوقف** ، لحد ما يجي معاد الأجل والحساب والجزاء وهو آت ، وكل ما هو آت قريب..

والإنسان العاقل هو اللي يوازن ويقارن ، ومن رحمة ربنا إنه مفيش شهوة محرمة إلا وعوضنا ربنا في الحلال زيتها ، بل أحسن منها، **وهو الحرام يجي إيه جنب الحلال ؟؟** ، **هي لذة الحلال فيه حاجة زيتها؟؟!!** فله الحمد والمنة..

﴿ وأخيرا .. يا كل شاب وكل بنت .. يا كل واحد صابر وتعبان وبيجاهد نفسه في رضا ربنا ، ثانية واحدة في الجنة هتنسبك المكاره اللي شوفتها كلها!!! فأبشر وكمل في طريقك .. ويا كل واحد ماشي ورا شهواته وهواه ومش عايز يتعب شوية لله ، ثانية واحدة في النار هتنسبك الشهوات اللي اتمتعت بيها كلها !!!! ففكر وشوف إيه اللي يستاهل ..؟؟؟؟؟



﴿ **والدنيا دار ابتلاء وامتحان** ، فربنا ممكن يختبرك بوظيفة فيها مال حرام ، فلازم تعرف إن ده اختبار من الله وتصبر وتطلب من ربنا إنه يحفظك ويعينك ويشبك ..

وانتي يا أختي ممكن ربنا يبتيكي بشاب قلبك يتعلق بيه ، فلازم تعرفي إن ده اختبار من الله وتصبري وتطلبي من ربنا إنه يقويكي ويظهر قلبك ويعصمك من الفتن ويشبك ..

﴿ **هو ده طريق جهنم يا شباب ..**

طريق الشهوات ملهوش نهاية غير جهنم

فاعرف من دلوقتي إنت رايج على فين ؟؟

واحسبها صح قبل فوات الأوان !

زي ما أحد السلف قال :

أتريد في الدنيا نيل الشهوات

وفي الآخرة أعلى الدرجات ؟؟؟

جمع الأضداد غير ممكن يا هذا !!!!!



بالتفصيل الدقيق .. ولكن الموضوع هيتحتاج مننا لمجلدات ..فأنا مش هوصفك مناظر الأصفاد والسلاسل والأغلال ومقامع الحديد والحميم والغسلين والمهل والضريع والعقارب والحيات وغيره ..

﴿ أنا بس **هكتفي بلمحة بس من عذاب النار ..** هكتفي بإنني أكلمك عن جزء واحد بس من أنواع العذاب اللي ميتوصفش الموجود في جهنم .. هكلمك عن **عذاب الحر** .. عذاب درجة الحرارة في النار..

طيب اسمعنى ده بالذات؟؟

لأن دي **أكثر حاجة ملموسة في حياتنا دلوقتي** ويمكن نحطها قصاص عينا وتذكرنا بالنار دايم ..

﴿ درجة الحرارة اللي لما بترتفع شوية في الصيف وتوصل لـ ٥٠ ولا ٥٠ بتبقى خلاص مش طايق نفسك وخلاص شوية وهتموت من الحر !! درجة الحرارة اللي لو **الصهد بس** مش النار بتاع فرن البوتجاز لفح وشك بتبقي هتصوتي !!!



لمحة

﴿ **عمرك قعدت كده مع نفسك وفكرت وتخيلت نار جهنم هتبقى شكلها إيه ؟؟؟؟؟؟؟**

﴿ **طيب عمرك ما اتلستعي من عود كبريت أو مسكتي أي شئ سخن ورميتيه بسرعه لأنك مش قادرة تستحملي !!!**

﴿ **طيب عمرك ما جيت تصب الشاي مرة ونزل على إيدك شوية ميه سخنة وقعدت تصرخ !!!**

﴿ **طيب وإنتي بتقلي مفيش مرة الزيت طرطش على إيدك وحرقتها وجريتي تشتري مراهم ومسكنات من الألم ؟؟؟**

﴿ **طيب عمرك ما شوفت شخص اتحرق في أي حريق ربنا يعافينا وسألته إنت حسيت بأيه ساعتها أو حتى بعد الحريق في فترة الشفاء كان الألم والوجع شكله إيه ؟؟؟**

﴿ **طيب أنا بسألك الأسئلة دي ليه ؟؟؟**

لأن أنا دلوقتي هكلمك عن **النار** بس مش هوصفك مشاهد العذاب الرهيب في جهنم..مش علشان أنا مش عايز متكلمش عنه ، بالعكس ده أنا نفسي أوصفك عذاب النار



يخلص ، فإذا خلص ، وقف عليها فقال : **الحمد لله الذي أعطاني مالم يعط أحدا ؛ إذ نجاني منها بعد إذ رأيته** ، قال : **فينطلق به إلى غدير عند باب الجنة فيغتسل ، فيعود إليه ربح أهل الجنة وألوانهم** " يعني بعد كل اللي شافه وبعد ما لفحته النار ، هيوصل عند باب الجنة لنهر معين ، فيغتسل منه ، فيزول عنه كل اللي حصل له على الصراط ويرجع له شكل وهينة وريحة أهل الجنة ، **(فيرى ما في الجنة من خلال الباب)** ولما يكون عند باب الجنة ، هيبص يلاقي الجنة قدامه ويشوف اللي فيها من الباب فمقدرش يمسك نفسه **(فيقول: رب أدخلني الجنة)** عايز أدخل الجنة يارب **(فيقول الله له: أتسال الجنة وقد نجيتك من النار؟)** كمان عايز تدخل الجنة؟ ده إنت لسه قايل إنك أخذت اللي محدش أخده من إنك نجوت من النار، **(فيقول: رب اجعل بيني وبينها حجاباً لا أسمع حسيبها)** يعني يارب ، مش عايز افتكر اللي حصل ، يارب اجعل بيني وبين النار حجاب مش عايز اسمع



والممتعة والأنهار والجمال وفوق كل حاجة نعيم رؤية وجه الله ﷻ .. أنا **هكتفي بلمحة بس من نعيم الجنة** .. هكتفي بأني أكلمك عن جزء واحد بس من أنواع المُنعم والنعيم اللي ميتوصفش الموجود في الجنة .. **هكلمك عن نعيم آخر واحد هيدخل الجنة في العالم كله .. أقل أهل الجنة نعيماً...!!**

✓ الحديث له أكثر من رواية ، ولكن هنشرح رواية سيدنا عبد الله بن مسعود في صحيح الترغيب والترهيب .. لأن دي الرواية اللي بحبها أوي ونفسي نشوفها ونعيشها مع بعض.. وهنذكر جزء من الحديث باللون الأحمر والشرح باللون الأسود وسط كلام الحديث اختصاراً ..

✱ عن عبد الله ابن مسعود ﷺ قال :

« **يجمع الله الأولين والآخرين لميقات يوم معلوم قياماً أربعين سنة شاخصة أبصارهم ، ينتظرون فصل القضاء ، فذكر الحديث إلى إن قال : حتى يَمُرَ الذي يُعطى نوره على إبهام قدمه يَحْبُو على وجهه ويديه ورجليه ، تَخَرَّ يد وتعلق يد ، وتَخَرَّ رجل ، وتعلق رجل ، وتصيب جوانبه النار ، فلا يزال كذلك حتى**



المنزل) مع إنه لسه حالف إنه مش هيطلب حاجة ثاني ، بس من اللي شايفه قدامه مش قادر يمسك نفسه وقال أنا عايز كمان ده يارب ، **(فيقول الله تبارك وتعالى له : فلعلك إن أعطيتك تسأل غيره؟)** يعني لو ادتهولك هتطلب حاجة ثانية مني ؟؟ **(فيقول : لا وعزتك لا أسألك غيره ، أني منزل أحسن منه ؟ !)** وللمرة الثانية والثالثة يقول لا يارب ويحلف مستحيل أطلب غيره ، هو أصلاً ممكن يكون فيه حاجة أحسن وأروع من كده ؟! ، وفي رواية "وربه يَغْزُرُه لأنه يَرَى ما لا صبر له عليه" ربنا بيعزده لأنه بيشف حاجات محدش يقدر يصبر عليها

(فيعطاه فينزله) ربنا يعطيه له وكمان يسكنه فيه ، **(ثم يسكت، فيقول الله له: ما لك لا تسأل؟)** يسكت العبد ، فربنا يسأله إنت سكت ليه؟ ليه مش بتطلب مني ؟؟ ، **(فيقول: رب ! قد سألتك حتى استحيتك ، وأقسمت لك حتى استحيتك)** يقول يارب ده أنا خلاص مبقاش لي عين اطلب أي حاجة ، ده أنا



حتى صوتها، **(قال: فيدخل الجنة)** فربنا بكرمه وفضله ورحمته يأذن له في دخول الجنة **(ويَرَى أو يُرْفَع له منزل أمام ذلك كأن ما هو فيه إليه حلم)** وفجأة وهو لسه يادوب بيحط رجله جوه الجنة يظهر قدامه بيت من جماله وروعته مش مصدق اللي شايفه جواه كأنه عايش في حلم !! **(فيقول: رب أعطني ذلك المنزل)** أنا عايز من ده يارب : **(فيقول له: لعلك إن أعطيتك تسأل غيره؟)** يعني لو ادتهولك هتطلب حاجة ثانية مني ؟؟ **(فيقول : لا وعزتك لا أسألك غيره ، أني منزل أحسن منه؟!)** يقول لا يارب ويحلف مستحيل هطلب غيره ، هو أصلاً ممكن يكون فيه حاجة أحسن وأروع من كده علشان أطلبها ثاني ؟؟!! **(فيعطاه فينزله)** ربنا يعطيه له وكمان يسكنه فيه ، **(ويَرَى أمام ذلك منزلاً كأن ما هو فيه بالنسبة إليه حلم)** ولما يدخل البيت بتاعه يشوف قدامه بيت ثاني من جماله وروعته مش مصدق اللي شايفه جواه كأنه عايش في حلم **(فيقول: رب أعطني ذلك**



(فيضحك الرب تعالى من قوله) فربنا عز وجل يضحك كما يليق بجلاله وكماله، **(قال: فيقول الرب عز وجل: لا ولكني على ذلك قادر)** ربنا هيرد عليه ويقول له إنني لا أستهزئ منك، ولكني على ما أشاء قدير، فالله قادر إنه يعطيه ملك الدنيا ومليون ضعف كمان مش عشرة بس !! الله على كل شئ قدير ، ويؤتي فضله من يشاء ..

(فيقول الله : سل) ربنا يقول للعبد اسألني.. اطلب واتمنى، عايز إيه؟؟ **(فيقول: ألحقتي بالناس)** يقول عايز أدخل جوه الجنة مع الناس اللي فيها يارب **(فيقول الله: الحق بالناس)** يأذن له ربنا في إنه يكون مع أهل الجنة **(فينطلق يرمل في الجنة)** أول ما يسمع الإذن من ربنا ، ينطلق ويجري جوه الجنة وهو مش مصدق نفسه ، **(حتى إذا دنا من الناس رُفِع له قصر من دُرّة ؛ فَيَخِر ساجداً)** وأول ما يقرب شوية فجأة يظهر له قصر من دُرّة هو ميعرفش أصلاً إيه ده ؟؟؟ فيسجد له في الحال !! **(فيقال له ارفع رأسك ، ما**



عمال كل مرة أحلف إنني مش هطلب تاني وبرده بطلب ، **(فيقول الله جل ذكره: ألم ترض أن أعطيك مثل الدنيا منذ خلقتها إلى يوم أفنيها وعشرة أضعافه؟)** ترضى يا عبدي أدملك زي مُلك الدنيا كلها من ساعة ما خلقتها لحد نهايتها ، ومش كده وبس ، ده كل الملك ده وعشرة أضعافه !! **(فيقول العبد: أتَهْزَأُ بي وأنت رب العزة؟)** فيرد العبد وهو مش مصدق نفسه ويقول: يارب بتهزأ بعبدك الغلبان ؟؟؟؟؟ ولكنه هيستغرب لأنه عارف نفسه وحش أووووووي وده كثير أووووووي عليه !! هو معقول أنا يبقى لي كل الملك اللي إنت بتقوله ده يارب !! ده أنا لسه من شوية كنت هقع في جهنم ، يقوم يبقى ليا زي مُلك الدنيا من بدايتها لنهايتها وعشرة أضعافه !!! معقووووول ؟؟؟؟؟ كل ده يبقى بتاعي وأتمتع بيه ؟؟؟!!



ويفتح له باب القصر بتاعه **(قال : وهو من دُرّة مُجوفة سقائفها وأبوابها وإغلاقها ومفاتيحها منها)** القصر بتاعه كله منه فيه ، عبارة عن دُرّة منحوت جواها الأسقف والأبواب والشبابيك والمفاتيح حاجة كده محدش يتخيلها **(تستقبله جوهرة خضراء مبطنة بحمراء، فيها سبعون باباً)** وأول ما يدخل جوه القصر يلاقي في وشه غرفة أو جناح عبارة عن جوهرة ألوانها جميلة فيها سبعين باب ، **(كل باب يُفضى إلى جوهرة خضراء مبطنة)** كل باب من الـ ٧٠ باب بيودي على غرفة فيها جوهرة تانية **(كل جوهرة تُفضى إلى جوهرة على غير لون الأخرى)** كل جوهرة في كل غرفة ليها لون تاني وتصميم تاني رائع ومختلف **(في كل جوهرة سرر وأزواج ووصائف)** في كل غرفة من الجواهر دي فيه سراير وخدم وأزواج من الحور العين ، **(أدنان حوراء عيناء ، عليها سبعون خلة)** أقل واحدة جمالاً فيهم لابسة ٧٠ طقم ، في كل نظرة ليها بتشوفها بطقم



(لك؟) فيتقال له ارفع رأسك .. مالك؟؟ إنت بتسجد ليه ؟؟ **(فيقول: رأيت ربي أو تراءى لي ربي)** من هول وعظمة القصر وجماله وأنواره افكر العبد الغلبان إن ده ربنا ، فخر ساجداً!!! **(فيقال له: إنما هو منزل من منازلك)** يتقال له يا غلبان ده مجرد بيت واحد من بيوتك وقصورك اللي لسه هتاخدها، **(قال: ثم يلقي رجلاً فيتهياً للسجود له)** وبعدين يقابل حد ميعرفوش ، بس من جماله وأنواره يذهل ويتهياً علشان يسجد له ، **(فيقال له: مَهْ ! مالك؟)** يتقال له استنى ، فيه إيه؟؟ مالك ؟؟ **(فيقول: رأيت إنك ملك من الملائكة !)** يقول ده أنا افكرتك ملك من الملائكة **(فيقول إنما أنا خازن من خزانك ، وعبد من عبيدك)** يقول له يا غلبان ده أنا مجرد عبد عندك من عبيدك وخدام من خدامك **(تحت يدي ألف قهرمان على مثل ما أنا عليه)** وفيه كمان ١٠٠٠ عبد زيي كده بالظبط كلنا شغالين تحت أمرك وخدمتك **(قال: فينطلق أمامه حتى يفتح له القصر)** وبعدين يمشي الخادم قدامه

مختلف ، (يرى مخ ساقها من وراء حللها) من جمالها يتشاف نخاع العظم من وراء الملابس والجلد والعظم ، شفافه كأنها بلورة كده ، (كبدها مرآته ، وكبده مرآتها) يبص لكبدها يشوف نفسه كأنه مرآة وهي كذلك تبص لكبده تشوف نفسها، (إذا أعرض عنها إعراضة ازدادت في عينه سبعين ضعفاً عما كانت قبل ذلك) لو إلتفت عنها ورجع نظر ليها يلاقيها ازدادات في جمالها ٧٠ مرة ، وكل مرة يلتفت ويرجع ينظر ليها تزيد في جمالها ٧٠ مرة علشان الشوق يزيد والحب يزيد في كل مرة ، (وإذا أعرضت عنه إعراضه ازداد في عينها سبعين ضعفاً عما كان قبل ذلك) وكذلك لو التفتت عنه ترجع تنظر إليه تلاقي جماله ازداد ٧٠ مرة !!!!

**(فيقول لها: والله لقد ازددت في عيني سبعين ضعفاً ،
وتقول له: وأنت والله لقد ازددت في عيني سبعين
ضعفاً) يقولون: يا ربنا! ما هذا؟**

القصر بتاعك، **(فيشرف)** فينظر، **(فيقال له: مُلكك مسيرة مئة عام ، ينفذه بصرك)** يقال له ملكك قد مسيرة ١٠٠ سنة على منتهى مد بصرك ، عيش حياتك في الجنة يلا يا عم !!

وفي رواية ثانية (فيقال له : أترضى أن يكون لك مثل مَلِكٍ من ملوك الدنيا؟؟ فيقول رضيت رب .. فيقول له : لك ذلك ومثله ومثله ومثله ، فقال في الخامسة: رضيت رب فيقول : هذا لك وعشرة أمثاله ، ولك ما اشتتهت نفسك ولدت عينك ، فيقول رضيت رب) يعني هياخذ قد ملك مَلِكٍ من ملوك الدنيا ٥٠ مرة !! وكمان ليه كــــــــــــل اللي نفسه فيه !!!

(فقال عمر : ألا تسمع ما يحدثنا بن أم عبد يا كعب عن أدنى أهل الجنة منزلاً؟؟؟ فكيف أعلاهم ؟؟؟)

سيدنا عمر ؓ لما سمع الكلام كان هيتجنن !! فيقول
 لسيدينا كعب: إنت سامع اللي بيقله ابن مسعود ؟؟ بقى ده
 أقل واحد منزلة في البشرية كلها ؟؟ كل النعيم ده له في
 الجنة ؟؟؟ أمال أعلاهم هيبقى نعيمه ومتعته شكلهم ايه؟؟!

﴿ سيدنا عمر بعد ما سمع الحديث دماغه اترجلت
وعقله كان هيش من الكلام ، يا ترى انت حصلك ايه ؟؟
ياترى حسيت بياه ؟؟ اشتقت ولا لسه ؟؟؟

♥ أنا حبيت أوصفلكم جزء من النعيم الخيالي لأقل واحد في الجنة .. كل ده وإحنا لسه يا دوب على باب الجنة مدخلناش جوه وشوفنا باقى أصناف النعيم .. لو عايز تعرف أكثر عن نعيم الجنة التفصيلي وتشتاق أكثر وأكثر ياريت تقرأ كتابي " ولا في الأحلام " هيفيدك بإذن الله ..

❦ يا شباب .. أنا مش بوصفكم نعيم أقل واحد في الجنة علشان نقول كده فيه فيه خالص ، وبس إحنا بنقى زي الرجل ده وإحنا بنقى تماااااااااااا أوي !! أنا بوصفكم نعيم أقل واحد في الجنة **علشان نشاق ونحلم ونسرح فى أعلى النعيم ، فى نعيم الفردوس الأعلى ، وده اللي هيخليك تبعد عن المعاصي وتشتغل وتجهتد فى الطاعة وتدور على كل عمل يرفع درجتك فى الجنة وتعمله بكل حب وشوق ..**

فتعلمش زي الطالب اللي بيقول بس أنا أنجح .. ده غالباً
بيشيل مواد !!! إنما اللي بيقول أنا هكون أول الدفعة يوم ما
بيفل أوى بيكون تقديره امتياز ! فمش عاجز بن نندم !!!!

یا شباب .. شایفین کرم ربنا؟؟

♥ ليس مش مصدقة إنه يحبك؟؟

♥ ليسه مش حاسس إنه بيحبك؟؟؟

لیہ نبعد عنه یا شباب؟؟؟

◀ **ليه نتحرم من رؤية وجهه الكريم في الجنة اللي هو أعظم نعيم على الإطلاق؟**

إيه اللي يستاهل فى الدنيا كلها ؟؟؟!!!



◀ طب ليه مش بنعيش وينتفاعل مع الجنة والنار
زي تفاعل الصحابة؟

◀ ليه قضية الجنة والنار مش شاغلة حياتنا زي ما
كانت شاغلة حياة الصحابة؟؟

◀ ليه أفعالنا مناقضة تماماً لكده؟؟

◀ ليه مش مشتاقين لنعيم الجنة زي حتى اشتياقنا
لموبايل سمارت فون؟؟!!

◀ ليه مش خايفين من ألم النار زي حتى خوفنا من
ألم شكة إبرة؟؟؟!

◀ لحد امتي هنفضل نضحك على نفسنا؟!

لحد امتي هنفضل في الغفلة؟!

◀ **اسأل نفسك .. وجواب ..**
واجابتك لازم تغير حياتك ...

توصيات

❦ وفي الختام .. وعلشان الكتاب ميقاش مجرد كلام جميل قرأناه وخلص .. علشان الكلام ميقاش حبر على ورق .. عايزين نخرج بشوية توصيات ، لو نفذناها هتفرق كثير جداً في حياتنا بإذن الله ..

١ إسأل نفسك !

محتاجين دلوقتي حالاً بعد كل اللي قرأناه وتخيلناه من نعيم الجنة وعذاب النار نقف وقفة مع نفسنا ونسألها بجد:

هل إحنا فعلاً بنحب الجنة وعايزينها؟؟؟

وهل إحنا فعلاً بنكره النار وخايفين منها؟

➡ أنا عايزك تجاوب نفسك بجد .. إنت مش هتضحك على نفسك !! كلم نفسك وقولها واسألها :

◀ لو بتحبي الجنة وخايفة من النار بجد إيه دليلك؟؟

◀ **هل المشكلة إننا بنسى كل شوية؟؟؟**

يعني ممكن آه أكون عارف كل حاجة عن الجنة والنار بس طبعاً زي أي بني آدم بنسى كل شوية ، بل ممكن أنسى تماماً ولا يبجي على بالي الموضوع ده بالمرة...!!!

طيب وده حلّه إيه؟؟ الحل بسيط برده بفضل الله..
٣ حاجات هنعملهم علشان مننسا..

[التركيز والتذكرة والكلام]

◊ **التركيز:** يعني يبقى عندك هدف، حاجة شاغلة تفكيرك، حاجة شاييل همها وبتحلم بها وتنام وتصحى كل يوم عليها

وطبعاً هدفنا الأعظم كلنا هو الفوز بالجنة والعق من النار

◊ **التذكرة:** يعني كل شوية تفكر نفسك زي ما ربنا قال : { وَذَكِّرْ فَإِنَّ الذِّكْرَى تَنْفَعُ الْمُؤْمِنِينَ }

٢ محتاجين نحدد فين المشكلة؟؟؟؟؟

◀ **هل المشكلة في نقص المعلومات عندنا عن الجنة والنار؟**

هل فعلاً إحنا جاهلين بالجنة والنار؟؟ لأن الجهل بالشيء سبب للإعراض عنه ، فطبيعي إننا لو مش عارفين الجنة ونعيمها هنشتاقلها إزاي؟؟! ولو مش عارفين النار وعذابها هنخاف منها إزاي؟؟!

طيب وده حلّه إيه؟؟ الحل بسيط جداً جداً.. إننا نسمع ونقرأ كتييييييييييير عن الدار الآخرة والجنة والنار والقيامة .. وكل ما هتقرأ وتهسمع أكثر وأكثر ، كل ما هتعرف أكثر ، كل ما يقينك وتفاعلك وشوقك وخوفك هيزيد أكثر وأكثر ..



«عائِزِينَ نَعْرِفُ النَّاسَ إِنْ الْكَلَامَ عَنِ الْجَنَّةِ وَالنَّارِ
عِلَاجَ لَأَمْرَاضِ الْقُلُوبِ فِي عَصْرِ الْفُجُورِ وَالشَّهَوَاتِ..»

«الكلام عن الدار الآخرة والجنة والنار والتركيز عليهم هيقوى عزيمةك ويعلى همتك فى الانطلاق إلى الله وهيعينك على ترك الكسل والتخلص من الفتور ..

«الكلام عن الآخرة هيرسَخ العقيدة في قلوبنا
ويحصنها من الشبهات .. الكلام عن الآخرة هيرفع
 منسوب الإيمان في قلوبنا وهيحميه من الفتن ..

«الكلام عن يوم القيامة والجنة والنار، هيظبط حياتك ، هيقلب التزامك ، هيخليكي ملتزمة من طراز خاص ، هيخليك ملتزم من طراز خاص ، لو إنت عشت بقلبك مع قضية الآخرة والجنة والنار ..

«هل المشكلة في قلوبنا اللي عارفة ولكنها ماتت وميقتش تحس؟!»

طبعاً من كثر ذنوبنا ومعاصينا اللي بقالنا سنين
بنعملها ومش عارفين نتوب منها ، ممكن تلاقي قلبك
بقي أسود من الفحم وأقسى من الحجر!! فلو قعدت
تصرخ فيه وتزعق وتقولّه الحساب والجنة والنار
والحق نفسك قبل الموت ، ممكن تحس فعلاً كأنك
تماماً بتدن في مالطا !!!!

طيب وده حلّه إيه؟؟ الحل هنا صعب شويتين.. لأن القلب ده مش هيفوق بين يوم وليلة .. القلب ده محتاج يقعد في العناية المركز سواء بقى شهر أو



اتنين أو حتى سنة ، لحد ما يتعالج ويتنصف ويتطهر
وياخد فيتامينات ومقويات طاعة ، لحد ما يرجع تاني
للحياة .. وده محتاج تعب ومجاهدة واستغاثة **بجد**
وتضرع لربنا .. استغاثة كائنك غريق في بحر
وبتصرخ وتشتغيث بحد ينجيك .. وتضرع وتذلل
وبكاء وخشوع في الدعاء إنه يُحيي لنا قلوبنا من
جديد.. وهو سبحانه قادر على ذلك بـ **"كُن فيكون"** .



③ محتاجين نخلي كل حاجة في الدنيا تفكرنا بالآخرة ..

عايزين كل حاجة بتحصل لنا في حياتنا في الدنيا نذكرنا
بالجنة والنار ، لحد ما يبقى محور حياتنا وتفكيرنا هو
قضية الجنة والنار .. لحد ما فعلاً يبقوا يقين كأنهم رأي
عين.. يبقوا قصاد عينا في كل حاجة بنعملها في حياتنا ..



✓ كل منظر جميل ومبهر ورائع في الدنيا لازم يفكرك بالجنة

لما تاكل أكلة طعمها حلو أو تشرب مشروب جميل
، تفكر لذة وحلاوة الأكل والمشروبات في الجنة ،
الجنة مفيش فيها فاكهة ولا أكلة طعمها زي اللي قبلها!
كل ثمرة طعمها مختلف تماماً وأروع من اللي قبلها
مع تشابهها في الشكل ، علشان متملش أبداً وتعيش
نعيم مُتجدد لا ينتهي ..



أول ما تشوف بنت ماشية تعرض مفاتها في الشارع ، تغض بصرك وتفكر الحور العين اللي كل ما هتدور وشك عنها هيزيد جمالها في عينك سبعين ضعف !



لما تشوف بنت لابسة استايل وعاملة في نفسها العمايل ، تفكري يا أختي ياللي التزمتي بحاجبك الواسع الصح وصنتي زينتك وجمالك في الدنيا ، إن جمالك في الجنة هيفوق جمال الحور العين وهتبقى سيدة الحور العين في الجنة وهما عبارة عن وصفات وخدم ليكي ..



لما تشوف منظر طبيعي جميل خلاب يسحر العيون ويريح النفوس تفكر جمال الجنة اللي مفيش حاجة زيه وتقول لنفسك :

يا نفس، مش نفسك تبقى في النعيم ده ؟؟
يبقى تصبري وتستحملي اليومين اللي عايشينهم في الدنيا ، إنما الدنيا صبر ساعة !!



✓ وكل منظر مؤلم وصعب وفيه حرّ وعذاب لازم يفكر بال نار

لما تشوف قدامك نار فرن مولعة والصهد بتاعها لوحده يشوى الوجوه ، تفكر النار اللي أكبر منها بـ ٦٩ ضعف!!



لما تشوفي براد الشاي بيغلي قدامك وبيقطع
في نفسه ، تفتكري غليان نار الآخرة وفورانها
على كل اللي دخلها !!



لما تكون ماشي في الحر والشمس ومش
طابق نفسك ، تفتكر حر النار اللي قد الحر ده
بملايين المرات !!!!



لما تشوف حاجة محطوطة في الزيت لمجرد
١٠ دقائق في نار الدنيا تلاقيها فحمت ! تفتكر
نار جهنم واللي هيقعد فيها دقيقة بل ثانية واحدة
هيكون شكله عامل إزاي؟! ما بالكم باللي هيقعد
فيها أيام وسنين؟! مين يقدر يستحمل؟؟!



👉 اه يا شباب
لو عشنا المعاني دي بقلوبنا ..
اه لو حطينا
الجنة ونعيمها والنار وجحيمها
قصاد عينا في كل مكان ..
وأقسم بالله ما هنقدر نعصي ربنا !!

◀ والله العظيم يا أختي هترمي كل البناتيل
والبدييات والفستات واللبس الضيق وهتنزلي
تشتري أوسع لبس في الدنيا كلها .. لأنك عرفت
بجد يعني إيه جنة ونار !!

◀ والله العظيم هتغض بصرك عن كل بنت متبرجة
وكل مشهد مش كويس .. لأنك عرفت يعني إيه جنة
ونار !!

﴿ عايزين نتغير،

عايزين نتغير من جوّه يا شباب ،

تغيير داخلي بجد ، مش ركعتين اتصلوا وخلص !

مش حجاب إتلبس وخلص!

مش إلتزام شكلي وحركات وخلص !!!!

✓ **عايزين قلب حياته اتغيرت ،**

قلب وجهته اتغيرت ،

قلب طموحاته اتغيرت، أهدافه اتغيرت ..

✓ **عايزين إنسان بقى له معنى لحياته ،**

اللي هتكون أحلى وأجمل حياة في الدنيا

والآخرة بإذن الله ..

أحلى حياة في طاعة الله
www.goodwayinlife.com

﴿ والله العظيم ما هتقدرى تكلمي شاب أو تعيشي
معاه قصة حب حرام .. لأنك عرفتى يعني إيه جنة
ونار !!

﴿ والله العظيم ما كان حد هيطيق يتلذذ بأي معصية
.. محدش كان هيفكر يغش أو يظلم .. محدش كان
هيمسك في الدنيا بإيديه وسنانه.. لأننا عرفنا يعني
إيه جنة ونار!!

✿ **يا شباب..**

إوعوا تغفلوا عن الآخرة..

عايزين نبقى في الدنيا ،

ولكن الآخرة قصاد عينا

في كل وقت وكل مكان ..

♥ واستعن بالله يا حبيب قلبي في كل حاجة بتعملها..

استعيني بالله يا أختي واطلبي منه الهداية ..

قول يارب اهديني وأعني وثبتني بس من قلبك بجد..

قولي يارب مليش غيرك نجيني من الفتن ..

♥ في كل سجدة بتسجدها اطلب من ربك الهداية

وصلاح أحوالك كلها .. أدمن الدعاء ده وقول :

[يا حي يا قيوم برحمتك استغيث ،

أصلح لي شأني كله]

♥ وكمان متنساش تدعي في سجدة وكل صلاة

وكل وقت استجابة وتقول :

[يارب ارزقني الفردوس الأعلى من

الجنة مع حبيبنا النبي محمد ﷺ ،

وأتمم لنا اللذة يا الله بالنظر لوجهك

الكريم برحمتك وفضلك وجودك

وكرمك يا أكرم الأكرمين]

همسة أخيرة

أنا عارف إنك ممكن بعد ما تقرأ الكتاب تتحمس من
جواك وتبقى عايز تكسر الدنيا، ولكن فعلياً لسه حاسس
إنك متكفف ومش قادر تتغير ولا تعمل أي حاجة !

بل ممكن بعد ما تقرأ الكتاب تقع في معصية!!
وساعتها هتبقى في قمة الإحباط !!

فأنا عايزك متيأسش مهما حصل وتعرف إن مش
شرط إن الكتاب ده أو غيره هيخلوك تغيّر حياتك كلها
وتبطل كل المعاصي وتعمل كل الطاعات في التقو
واللحظة حالاً ..!

التغيير طريق محتاج صبر ومجاهدة.. والكتاب ده أو
غيره خطوة في الطريق .. آه بإذن الله أتمنى تكون
خطوة كبيرة ونقطة نوعية ، بس لسه الطريق محتاج
خطوات وخطوات...

فابدأ في تنفيذ التوصيات اللي قولناها من صفحة ٩٧..
وكمل في طريقك وإوعى تيأس مهما حصل !!



تم

بحمد

الله